



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Innocentio XI. Ad Innocentium XII.

Luxemburgi, MDCCXLI.

28. Officii Nostri &c. Facultas pro DD. S.R.E. Cardinalibus in adjutores
Visitationis Ecclesiarum, & Locorum Piorum Urbis assumptis exercendi
Pontificalia in eisdem Ecclesiis, & locis piis.

[urn:nbn:de:hbz:466:1-74849](https://nbn-resolving.org/urn:nbn:de:hbz:466:1-74849)

Præcipit
obediri.

Intendit
servari or-
dinem præ-
cedentis,
eoque non
servato
nulli jus
acquiri,
vel præju-
dicari.

Visitandi
Infimos,
& semel
impartien-
di benedi-
ctionem
Apost.

Indulgen-
tia plena-
ria pro iis-
dem Infr-
mis.

Eleemofy-
na pro iis-
dem ab
Eleemofy-
nario Pa-
latii.

Derogatio
obstanti-
bus, seu
contrariis.

§. 6. Mandantes propterea omnibus, & singulis ad quos spectat, & spectabit, quacumque dignitate, autoritate, potestate, & præminencia fungentibus, ut vobis, & cuilibet vestrum in præmissis omnibus, & singulis promptè pareant, & obediant, alioquin sententias, five poenas, quas ritè tuleritis, seu statueritis in rebelles ratas habebimus, & faciemus autore Domino, usque ad satisfactionem condignam inviolabiliter observari.

§. 7. Cæterum in visitatione hujusmodi Ordinem præcedentis inter Ecclesias, Monasteria, & loca quacumque per vos visitanda, quantum commodè fieri poterit, servari volumus; nulli tamen Ecclesiæ, Monasterio, vel loco, nec ulli Capitulo, Collegio, Conventui, Confraternitati, Archiconfraternitati, aut personæ tam conjunctim, quàm divisim, seu aliàs quomodolibet ejusdem visitationis five Ordinis hujusmodi in illa servati, vel non servati occasione in aliquo, etiam minimo, quoad præcedentiam, aliàsque prærogativas quascumque præjudicari, aut quicquam novi Juris acquiri decernimus, & declaramus.

§. 8. Præterea cupientes in prædicta nostra Pastoralis Visitatione animarum saluti, quantum in nobis est, prodesse, ac etiam corporales Christi pauperum, præsertim Infimorum, indigentias paternæ charitate sublevare: Circumspectioni vestræ, & vestrum cuilibet præsentium serie mandamus, ut conjunctim, vel divisim Parochias Ecclesiarum diligenter perlustrare, & perquirere studeatis, atque earum pauperes Infimos graviter decumbentes singulos nostro nomine visitetis, Apostolicam, & nostram eis benedictionem, ut moris est, semel impartiamini, eosque paternis monitis, & salutaribus consolationibus recreetis, hortantes ipsos, ut in humilitate, & patientia propter Deum corporis infirmitatem, & dolores sustineant, & ad parendum Divinæ voluntati, quodcumque ei placuerit ipsos ex hoc seculo revocare, se piè, & Christianè præparent, sinceroque corde ad Deum conversi humiliter ab eo suorum peccatorum veniam petant, atque omnia Ecclesiastica Sacramenta, quibus Christiani ex hac vita migraturi se præmunire solent, & debent, devotè, & reverenter suscipiant.

§. 9. Nos enim eorum singulis, ante, vel post vestram visitationem, ut præmittitur, poenitentibus, confessis, & Sanctissimo Eucharistiæ Sacramento refectis, semel plenariam omnium peccatorum suorum indulgentiam, & remissionem elargimur.

§. 10. Volumus autem, ut eo interim vobiscum adducatis Dilectum Filium Nostrum, & Palatii Apostolici Eleemofynarium, qui, prout cujusque eorumdem pauperum egestas, & personarum conditio postulaverit, etiam oblati nostra impensâ charitatis subsidiis, pecuniis, cibis, potu, pharmacis, vestibus, medicorum ope, cæterisque ad victum, seu ad recuperandam valetudinem necessariis, temporalibus, quibus nunc urgentur, eorum necessitatibus succurrat.

§. 11. Non obstantibus Constitutionibus, & Ordinationibus Apostolicis, etiam Conciliaribus, ac Ecclesiarum, Monasteriorum, Hospitalium, Ordinum, Congregationum, Societatis, Militiarum, etiam dicti Hospitalis Sancti Joannis Hierosolymitani, Archiconfraternitatum, Confraternitatum, & aliorum locorum, & Operum piorum hujusmodi, etiam juramento, confirmatione Apostolica, vel quavis firmitate alia roboratis, statutis, & consuetudinibus etiam immemorabilibus, stabilibus, stabilimentis, usibus, & naturis, ac Stylo Curiae; privilegiis quoque, Indultis, exemptionibus, & Litteris Apostolicis præmissis, & cujusvis illorum, ac Superioribus, & personis eorum quomodolibet nuncupatis, & qualificatis, sub quibuscumque verborum tenoribus, & formis, ac cum quibuscumque, etiam derogatoriarum derogatoriis,

aliisque efficacioribus, efficacissimis, & insolitis clausulis, & decretis, etiam irritantibus in genere, vel in specie, etiam motu proprio, vel ad Imperatoris, Regum, Reginarum, Rerumpublicarum, & Principum quorumlibet preces, & instantiam, seu eorum contemplatione, & intuitu, ac etiam consistorialiter, & alias quomodocumque, & quodcumque concessis, confirmatis, & pluries innovatis, Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, illorum omnium, & singulorum tenores, formas, & occasiones præsentibus pro plenè, & sufficienter expressis, insertis, & servatis respectivè habentes, illis aliàs in suo robore permanens, ad præmissorum effectum specialiter, & expresse, ac plenissimè derogamus, & derogatum esse volumus, cæterisque contrariis quibuscumque. Datum Romæ apud Sanctum Petrum sub Annulo Piscatoris die 16. Januarii 1693. Pontificatus Nostri Anno secundo.

J. F. CARD. ALBANUS.

Facultas pro DD. S. R. E. Cardinalibus in Adjutores Visitationis Ecclesiarum, & Locorum Piorum Urbis assumptis exercendi Pontificalia in eisdem Ecclesiis, & locis piis.

Venerabilibus Fratribus Nostri S. R. E. Cardinalibus pro Visitatione Ecclesiarum, & Locorum piorum Alme Urbis à Nobis instituta specialiter deputatis.

INNOCENTIUS PAPA XII.

Venerabiles Fratres Nostri salutem, & Apost. benedictionem.

Officii Nostri est Pastoralia munera, quæ Divinâ favente clementiâ administranda suscepimus, ea prompto, hilarique animo prosequi, eos verò, quos in eisdem Pastoralibus muneribus prosequendis assumpsimus, & deputavimus, nostræ item mentis est opportunis facultatibus adhuc munire, ut illis suffulti incumbentiæ onera meliùs subire, & inceptum opus perficere quam primum valeant.

§. 1. Cum itaque occasione Visitationis Nostræ Apostolicæ, quàm in universæ Alme Urbis, ejusque Districtus Ecclesiis, Monasteriis, locisque Sacris, & piis nuper indiximus, & per Nosmetipsos obire cepimus, non raro comperiri possit, necesse esse in aliquibus ex Ecclesiis hujusmodi Altaria consecrari, campanas, ornamenta, indumenta, & alia Pontificalia munera exerceri, Illis ex Vobis in eadem Visitatione Adjutoribus per Nos assumptis, qui consecrationis Episcopalis munus susceperunt, & eorum cuilibet plenam per præsentem concedimus facultatem, ut in quibuscumque, tam intra eandem Urbem, ac prope, & extra illius muros, quàm etiam intra ejusdem Urbis districtum sitis Ecclesiis, etiam Patriarchalibus, nec non Monasteriis, Prioratibus, & Domibus Secularibus, seu cujuscumque Ordinis Mendicantium, vel non Mendicantium, Militiæ, Congregationis, aut Instituti Regularibus, tam virorum, quàm mulierum, atque Hospitalibus, Oratoriis, Sacellis, Cæmeteriis, locisque piis, ac religiosis, tam exemptis, Nobisque, & Apostolicæ Sedi immediatè subiectis, quàm etiam non exemptis, & quibuscumque etiam S. R. E. Cardinalibus ratione tituli, aut denominationis, seu Cardinalatus, aut aliàs quomodolibet, & ex

Dat. 16.
Jan. 1693.
P. A. 2.

XXVIII.

Exordium

Continu-
ando cum
facultate
visitandi,
Cardinali-
bus Episcopi
concedit facul-
tatem ex-
ercendi Pontifica-
lia.

quavis

quavis causa subjectis, Altaria, ac ipsamet Ecclesias consecrare, aut illa, vel easdem Ecclesias, aut illis annexa reconciliare, seu etiam Cœmeteria, Campanas, Calices, Patenas, Cruces, indumenta, & ornamenta Ecclesiastica quæcumque, & aquam, ut moris est, benedicere, Sacramentum Confirmationis, quod ex ritu in Visitatione ministrari consuevit, quibus, ubi, quando, & quoties illis, seu cuilibet eorum expedire videbitur, ministrare, Sacrosanctum quoque Missæ Sacrificium, nec non Vesperas, & quæcumque alia divina Officia solemniter, & Pontificali ritu in Ecclesiis, & locis, in quibus illi id ad maiorem animarum consolationem, spiritualeque profectum, & ad ipsam etiam, quam intendimus, reformationem inducendam pertinere iudicaverint, celebrare, & decantare, Verbi Dei Prædicationes, & Conciones ad Dei amorem, & timorem in cordibus fidelium excitandum, & accendendum publice ad Clerum, & Populum, seu aliàs privatim, prout occasio, & necessitas postulat, habere, aliaque omnia, & quæcumque munia Pontificalia, etiam quæ notam, aut expressionem requirerent magis specialem, & sub generali huiusmodi concessione non comprehenduntur, etiam erga personas alioquin habiles, & idoneas exercere, etiam nullo alio à Nobis expectato, aut requisito mandato, liberè & licitè valeant.

§. 2. Non obstantibus Constitutionibus, & Ordinationibus Apostolicis, ac in Conciliis, etiam Generalibus editis, dictarumque Ecclesiarum, Monasteriorum, Ordinum, Congregationum, Militiarum, Hospitalium, aut Domorum, etiam iuramento, confirmatione Apostolica, vel quavis firmitate alia roboratis Statutis, & Consuetudinibus, Privilegiis quoque, Indultis, & Litteris Apostolicis in contrarium præmissorum quomodolibet concessis, confirmatis, & innovatis, cæterisque contrariis quibuscunque. Datum Romæ apud S. Petrum sub Annulo Piscatoris die 16. Januarii 1693. Pontificatus Nostri Anno Secundo.

J. F. Card. Albanus.

XXIX.

Facultas pro DD. S. R. E. Cardinalibus in Adjuutores Visitationis Ecclesiarum, & Locorum piorum Urbis assumptis avocandi ad se causas occasione Visitationis huiusmodi pendentes, nec non transferendi celebrationem Missarum ab Altaribus, ad quæ ob earum multitudinem non possunt celebrari, ad alia Altaria.

Venerabilibus Fratribus Nostri S. R. E. Cardinalibus pro Visitatione Ecclesiarum, & Locorum piorum Almæ Urbis à Nobis instituta specialiter deputatis.

INNOCENTIUS PAPA XII.

Venerabiles Fratres Nostri salutem, & Apostol. benedictionem.

Uterior facultas Cardinalibus Visitationibus avocandi à quibuscunque iudicibus causas occasione Visitationis pendentes.

§. 1. **U**T in prosequendo Visitationis Ecclesiarum, & piorum Locorum Almæ Urbis Nostre munere, ad quos Vos specialiter ex Sacro Venerabilium Fratrum Nostrorum Sanctæ Romanæ Ecclesiæ Cardinalium Collegio delegimus, Causæ occurrentes, omni qua fieri potest celeritate, iustitia mediante, terminentur, quantum cum Domino possumus, providere volentes; Moru proprio, ac ex certa scientia Nostra ultra alias facultates per diversas Nostras in simili forma Brevis expeditas Literas Vobis attributas, ut omnes, & singulas Causas occasione Visitationis huiusmodi coram quibuscunque iudicibus tam Ordinariis, quam Delegatis pendentes, & etiam instructas, in statu, & terminis, in quibus reperiuntur, cum omnibus, & singulis earum incidentibus,

dependentibus, emergentibus, annexis, & connexis, totoque negotio principali ad Vos auctoritate Nostra avocare, illasque summarie, simpliciter, & de plano, sine strepitu, & figura iudicii, solâ facti veritate inspectâ, & manu Regia audire, cognoscere, & sine debito, prout juris fuerit, terminare.

§. 2. Præterea, ubi contigerit, alicui Altaris etiam pro defunctis privilegiato, seu Capellæ tam magni Missarum celebrandarum numerum ex variis defunctorum legatis impositum esse, ut singulis diebus præscriptis nequeat illis satisfieri, quid magis ad Dei honorem, Ecclesiarum utilitatem, salutemque animarum eorum, qui legata pia reliquerunt, etiam per translationem partis Missarum huiusmodi ad aliud Altare, seu Altaria, etiam non privilegiata, videritis expedire, re tamen diligenter perspectâ, statuere, & ordinare, ut in eisdem Altaribus commodius, ac plenius pia defunctorum voluntati satisfiat, ita quod Missæ ad alia Altaria huiusmodi, ad quæ illarum celebrationem transfuleritis celebratæ, illis pro quibus celebrabuntur, perinde suffragentur, ac si ad Altaria privilegiata, seu aliàs juxta eorumdem defunctorum voluntates celebratæ fuissent, cæteraque omnia, & singula in præmissis, & circa ea necessaria, seu quomodolibet opportuna, etiam si talia sint, vel fuerint, quæ magis specialem, specificam, & expressam requirerent mentionem, facere, dicere, gerere, & exequi liberè, & licitè possitis, & valeatis, Apostolica auctoritate tenore præsentium, plenam, & amplam facultatem concedimus, & impartimur.

§. 3. Non obstantibus Constitutionibus, & Ordinationibus Apostolicis, ac dictorum defunctorum, etiam ultimis voluntatibus, quas quoad præmissa sufficienter, & expressè commutamus, nec non Nostrâ, & Cancellariæ Apostolicæ regulâ de non concedendis Indulgentiis ad instar, cæterisque contrariis quibuscunque. Datum Romæ apud S. Petrum sub Annulo Piscatoris die 16. Januarii 1693. Pontificatus Nostri Anno Secundo.

J. F. Card. ALBANUS.

Providendi pluralitati Missarum in eodem Altari etiam per translationem.

Derogationes.

D. 16. Januarii 1693. P. A. 2.

XXX.

Facultas pro DD. S. R. E. Cardinalibus in Adjuutores Visitationis Ecclesiarum, & Locorum piorum Urbis assumptis, & aliis personis quibuscunque, immiscendi se criminalibus ratione ejusdem Visitationis.

Venerabilibus Fratribus Nostri S. R. E. Cardinalibus pro Visitatione Ecclesiarum, & Locorum piorum Almæ Urbis à Nobis instituta specialiter deputatis.

INNOCENTIUS PAPA XII.

Venerabiles Fratres Nostri salutem, & Apost. benedictionem.

§. 1. **Q**Uoniam in prosequendo munere Visitationis Ecclesiarum, & piorum Locorum hujus Almæ Urbis Nostre, ad quod Vos specialiter ex sacro Venerabilium Fratrum Nostrorum S. R. E. Cardinalium Collegio delegimus, facile contingere poterit, ut aliqua negotia criminalia pertractanda sint, Nos conscientiarum, ac status vestrorum securitati opportunè providere volentes, Vobis, & cuilibet vestrum, ut tam conjunctim, quàm divisim durante huiusmodi Visitatione, & illius occasione dumtaxat, quascunque querelas, aculationes, denuntias, contra quascunque personas, tam Ecclesiasticas, Seculares, vel Regulares, quàm Laicas cujuscunque status, gradus, dignitatis, & præeminentie existentes, recipere, & audire, causasque exinde, aut aliàs quomodolibet ex dicta Visitatione, vel illius cau-

Facultas recipiendi querelas, & aculationes Visitationis.